

Өвс хадлгъиг

шамдулхар

Одахн Элст балгъсна эргнд бääх колхозмудин болн совхозмудин г а р д а ч н р и г КПСС-н балгъсна комитет цуглуудж авад, совещань кев. Тер совещань деер өвс хадлгъна болн хө киргългънә төр тавдж күүндвр кегдв.

Эн совещаньд орлцсн агроном ұр Герасимов, „Буратинский“ совхозин парторганизацин сегләтр ұр Мукаев, „Победа“ колхозин механик ұр Немашкалов, „Победа“, „Страна Советов“, Сталинә нертә колхозмудин ахлачар ұр Белоусов, Юхнов, Сафонов болн нань чигн улс босдж ұг келцхäv.

Эн джилин хавр хур икәр ордж, газриг сәәнәр норгъсн учрар, ногъан йир сәәнәр өсдж ургъджана. Тегәд өвсн никт болдж гарв. Колхозмудин болн совхозмудин малд элвгәр өвс болн силос белддж авхин төлә өвс хадлгънд сәәнәр белдснә тускар совещань деер босдж келцхәсн улс темдглцхäv.

Өвс хадлгъна болн хөд киргългънә көдлмшиг бүрдәмджтәггәр кедж кўцәхин төлә хадлгъна көдлмшт йовх улс дунд политическ болн культурн көдлмш делгрўлхмн гидж совещань темдглв.

Өвс хадлгъна көдлмшиг хурдар кехмн, хө киргългънә көдлмшиг даругас эклхмн гидж шиидв.

„Хө киргългъиг шин эвәр кехин“ тускар гарсн КПСС-н крайкомин токтавриг КПСС-н балгъсна комитетин сегләтр ұр Трубицын совещаньд орлцсн улст цәәлгъдж өгв.

И. МАСЛОВ.